



J. Mauricii


Elegia

de

triumpho adscēnd. Christi

ad coelos.

Roib., 1584.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1172 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1172 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1172 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1172 4*


4. - 174.


DA BOX

LN 1172

M







ELEGIA
DE TRIUMPHO
ASCENDENTIS CHRISTI
AD COELOS.

AD
ILLVSTRISSIMVM PRIN-
cipem ac Dominum, Dominum ADOL-
PHVM, Noruuegiae heredem, Schles-
uici, Holsatiae, Stormariae, Dith-
marsiae Ducem, Comitem in
Oldenburg & Delmen-
horst, &c.



ROSTOCHII
Typis Stephani Myliandri.
ANNO
CIS ID XXCIV,

13 Ray

Illustrissimo Principi ac Domino,

Dn. ADOLPHO, Hæredi Noruegiæ, Duci
Schlesvici, Holsatiæ, Stormariæ, Dithmarsici,
Comiti in Oldenburg & Delmenhorst &c.
Domino suo clementissimo.


Illustrissime Princeps, Domine clementissime, quam mirè Deus, & præter humanæ rationis captum, Ecclesiæ suæ pusillum gregem foueat, propaget, conseruet, nemo vnquam meditatione satis assecutus est: Vbi enim penitus vi fluctuum submersus, & totus obrutus oppressusq; videtur, instar vtris è medijs procellis emergit, ac velut palma, contra onus altius insurgens suppressi nullo modo potest. Licet enim potentissimos hostes habeat, infidiatoresq; peruicacissimos, vincit tamen vires & astus horum omnium, vnus Dei, exigui huius cætus defensoris accerrimi, protectorisq; omnium in se sperantium, sapientia & bonitas omnipotens. Qui & subinde piorum Gubernatorum animos excitat, vt Ecclesiæ suæ, & scholarum, quæ vera Ecclesiæ seminaria sunt, patrociniū suscipiant & agant. Quorum exempla in medium adduci possent plurima, nisi apud Cels. vestram, eorum commemorationem scirem esse superuacaneam. Quippe quam nulli Maiorum vel pietate ac reuerentia erga Ecclesiam, vel liberalitate ac munificentia in scholas cedere palam est. Cuius illustres præ cæteris testes esse possunt Schlesvicensis Academiæ & Bardesholmenensis collegij alumni (ex quorum numero & me grata mente confiteor) Quos Celsitudo V. incredibili beneuolentia complectitur & promouet. Vestræ igitur Cels. hæc mearum lucubrationum primitias offerre volui, vt qualemcunq; erga Cels. V. animi grati significationem ederem. Quare reuerenter oro, vt Celsitudo V. hunc meum conatum benigno vultu accipere, mea q; studia clementer prouehere dignetur. Rostochij.

Cels. V.
subiectis. animo
colens

IOHANNES MAVRITIUS
Ekelfordensis. Cimbri.



ELEGIA
De Triumpho Ascendentis
Christi ad cœlos.

 *Entibus acre fuit studium, labor acris,
& ardor,
Digna laude suos ferre sub astra Du-
Qui vel consilio Prudenti sceptrā gerentes (ces.
Imperij, patriæ iura dedere sue.
Aut animo excelsō tutati mœnia & aras,
Fuderunt Forti castra inimica manus.
Vel qui Iusticiæ studiosi, lancibus aquis
Singula dimensi, cuilibet aqua darent.
Vel qui traducta iusto Moderamine vita
Naturam certis continuere modis.
Illorum statuas, encomia, Grata vetustas,
Res gestas, pompas, bella, trophæa, canit.
Horum virtutes multis miratur, & audet
Ipsos cœlicolis annumerare Dijs.
Quo magis illorum, Christi qui verba fatentur,
Nomina perpetuò Nos celebrare decet.
Quanta quis cura, studio, conamine quanto,
Tutatus verè sit pietatis opus.
Hic propagando cultum, sanèq; docendo,
Doctrina socios ille fouendo greges:*

A 2

Nullō

Nullo vel vitæ, vel Rerum pondere ducto,
Sola cernendi spesq; fideq; Deum.
Hæc Nos mirari decet, atq; stupefcere, Et ipsos,
Cœlesti Heroas annumerare choro.
In primis Author nostræ, assertorq; salutis,
Quantum contulerit, commemorare, boni.
Virgine dum natus patitur, moriturq; necem q;
Vincens, ætherei transit ad astra poli.
De quibus, his ipsis Ecclesia grata diebus
Concinit, in laudes ora soluta Dei.
Ut viuis superas remeârît Christus ad auras,
Victa tartarei vi rabieq; Ducis.
Seq; diu sistens reducem de morte Ministris,
Iuerit ad superas, patria regna, plagas.
Ac portam nobis tandem referârît Olympi,
Quæ culpa primi clausa parentis erat.
Ergo cur sese non falsa in gaudia soluat,
Et dicat memori pectore grata Deo:
Atq; triumphanti Domino gratantia Christo
Iubila decantet: iam pius omnis habet.
Tantus enim splendor, tanta est quoq; gloria pom-
Huius, ut ullorum non fuit ante Ducum. (pa.
Quorum quantumuis currus celebrentur Eburnj,
Atq; auro insignes, Militiaq; decus.
Munera.

Muneraq³ in vulgus diuisa, Epulaq³ superba: (cas?
Hanc tamen ad pompam cuncta quid ista vo-
Quam Regum Dominus facto, Flatusq³ sacratus,
Decreto, Nostro constituere Duci.
Qui curru nitidum caelesti inuectus Olympum,
Per spaciosum, ingens, aëra, carpit iter.
Cui sancti comites Letheo è fonte reducti
Adiuncti, claudunt Regis utrunq³ latus.
Præcedunt hilares alij, quidamq³ sequuntur,
Angelica turba non numeranda phalanx.
Ipsa Triumphali victoris gesta recenset
Carmine, non homini cognita gesta prius.
Hinc atq³ inde pium circumstans undiq³ vulgus,
Semper io felix viuito victor, ait.
Conspicitur reliquis faciem formosior Ales,
Principis ante ferens arma cruenta sui.
Arma, quibus Ductor signa aduersantia fudit,
Scilicet, affixus cui fuit ipse, crucem.
Huic appensa Dei legis vox, pectora terrens,
Et damnans omnem Ditis ad antra virum:
Sed clavis dispuncta, sacroq³ obducta cruore,
Hinc ut sit vires non habitura suas.
Hunc stipant iuuenem victricia signa gerentem
Cum patribus, vates, aligerumq³ cohors:

A 3

Turba

*Turba triumphalem praeceat proxima currum,
 Denicta, atq; armis dispoliata suis.
 In quibus horrendum monstrum, Plutonia proles,
 PECcatum, primos occupat ante gradus.
 Hoc à primævis quondam Genitoribus ortum
 Infecit vitio pectora cuncta suo.
 Pallida MORS sequitur, nudis vix ossibus hærens
 Quam cingit socium, lurida spectra, chaos.
 Terribile ex Acheronte agmen comitatur auaro,
 Quicquid aquæ Stygiæ, quicquid Auernus habet.
 Lucifer ignivomus, princepsq; Beelzebub Orci,
 Qui secum ex reliquis millia multa trahunt.
 Post hos infertur (nimium miserabile dictu)
 Capta Hominum, Stygiæ, copia, fraude lupi.
 Attamen hi quamvis inimica sub agmina ducti
 Censentur pœnas demeruisse pares:
 Iusticia tamen ornati, se libera signant,
 Victoris Christi, corpora facta, Fide.
 Dumq; hostes alij rapiantur ad ultima Auerni
 Supplicia, extremum non habitura diem.
 Se precio redimi iusto, Reddiq; vicissim
 Iam libertatis pristina iura sibi.
 Viq; hi sic præeunt, sequitur pars altera currum,
 Altera cum Domino pars rediit sua suo.*

F

Et qui Diuini tractant oracula verbi,
Victoremq; fide saluificante colunt.
Iusta triumphanti Laudum praconia turba
Occinit enumerans grandia facta Ducis.
Quàm fortis, quanto sit robore praeclitus, Et quàm
Euictis clemens, supplicibusq; bonus.
Tandem ubi peruentum est summi ad Capitolia
Sedem caelicolum sidera cuncta super. (templi,
Obuius aeternus Pater, & spirabile Flamen,
Agminis Angelici concomitante choro:
Excipit aduentum Gnati, gratantibus vlnis:
Laticiam caeli cuncta theatra sonant.
Atq; ipsum ducens in summa palatia, Regni
Coelestis, pariter frena tenere iubet.
Ad dextramq; locans simili dignatur honore,
Subijcit huic, tellus & quod Olympus habet.
Inde triumphator largissima munera fundit,
Munera, quae nullo sunt peritura die.
Scilicet aeternae verissima gaudia vitae,
Et quae praeterea dat bona plura pijs.
Intercedendo quod Patris mitigat iram,
Expiat & meritis crimina nostra suis.
Pectora nostra sacri succendit Numinis igne,
Nosq; cohæredes efficit esse sibi.

A

Her

*Hæc bona non Henoch translatus in atria Divum,
 Præsentis compos factus & ipse Dei.
 Non qui stelliferum curru transcendit Olympum
 Igneo, ab ignitis turbine raptus equis.
 Sed solus Princeps noster, solusq; redemptor,
 Hæc nobis victo victor ab hoste tulit.
 Huic igitur tanto victori, tamq; benigno
 Assiduè grates pectora nostra sonent.
 Pro tam felici palma, partoque triumpho,
 In nos quo tantas accumulavit opes.
 Nosq; gregi Angelico comites, turbæq; beatæ
 Iungamus, vitæ moribus, atq; fide.
 Quò tandem & nosmet fieri possimus eorum
 Participes, ipsis & sine fine frui,
 Gratuita bonitate suis quæ donat alumnis,
 Ipsum qui veræ religionem colunt.
 Quæ rata sint semper, faxis, mitissime victor,
 Perpetuò tibi sit gloria, splendor, honos.*

FINIS.



